



PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno - pravna komisija
Broj: 01/1-011-1519/03
Sarajevo, 23.10.2003.

Z A P I S N I K

sa 16. sjednice Ustavno - pravne komisije

Sjednica je održana 23.10.2003. godine s početkom u 11,45 sati.

Sjednici su prisustvovali članovi svi članovi Komisije i to:

- | | |
|--------------------|-----------------------|
| 1. Beriz Belkić | 6. Tihomir Gligorić |
| 2. Mirsad Ćeman | 7. Martin Raguž |
| 3. Seada Palavrić | 8. Petar Kunić i |
| 4. Miro Ivo Jović | 9. Momčilo Novaković. |
| 5. Nijaz Duraković | |

Sjednici su takođe prisustvovali: poslanik Hasan Muratović i Muris Kodžaga u ime Izbornr komisije BiH.

Sjednici je prisustvovao sekretar Komisije Milan Zjajić.

Predsjedavajući Komisije Mirsad Ćeman, je pozdravio goste i članove Komisije i predložio sljedeći:

D N E V N I R E D

1. Davanje mišljenja o amandmanima koje su uložili poslanici: Hasan Muratović, Ivo Miro Jović i Milorad Živković na Prijedlog zakona o izmjenama i dopunama Zakona o sukobu interesa u institucijama vlasti Bosne i Hercegovine.
2. Ostala pitanja

Predloženi dnevni red je jednoglasno prihvaćen.

Ad. 1. Davanje mišljenja o amandmanima koje su uložili poslanici: Hasan Muratović, Ivo Miro Jović i Milorad Živković na Prijedlog zakona o izmjenama i dopunama Zakona o sukobu interesa u institucijama vlasti Bosne i Hercegovine,

Predsjedavajući Komisije je podsjetio članove Komisije na zaključak Predstavničkog doma o produženju roka za ulaganje amandmana na Prijedlog zakona o izmjenama i dopunama Zakona o sukobu interesa u institucijama vlasti BiH. Zatim je pozvao sekretara da upozna članove Komisije o svim pristiglim amandmanima. Sekretar je upoznao članove Komisije da su u roku uloženi amandmani poslanika Hasana Muratovića, Ive Mire Jovića i Milorada Živkovića, te da samo amandmani poslanika Muratovića u potpunosti zadovoljavaju sve uslove da se Komisija može o njima izjašnjavati, a da amandmani druga dva poslanika su u stvari amandmani za Zakon o sukobu interesa u institucijama vlasti BiH, a ne na Zakon o njegovim izmjenama i dopunama i da se bez modifikacije nebi mogli prihvatiti. Naglasio je da su poslanici Jović i Živković u međuvremenu izvršili modifikaciju, odnosno otklanjanje formalnih nedostataka i da tako modifikovani mandmani mogu biti predmet rasprave, ali se otvara pitanje njihove validnosti, obzirom da su ispravke izvršene izvan roka koji je ostavio Predstavnički dom.

Zatim se razvila široka diskusija u kojoj su učestvovali svi prisutni i javljali se više puta za riječ. Između ostalog je konstatovano da se amandman koji je ranije uložio Petar Kunić i inkorporiran u tekst, odnosio na član 11. stav 2. Zakona o sukobu interesa u institucijama vlasti BiH, a ne na član 1. stav 2. pa je pogrešno inkorporiran u tekst Zakona o izmjenama i dopunama.

Vođene su i iscrpne rasprave o tome da li se mogu uvažavati amandmani kojima se mijenjaju članovi izvornog zakona u slučaju da nisu obuhvaćeni Prijedlogom predlagača Zakona o izmjenama i dopunama. Kako je na kraju zaključeno da odredbe Poslovnika ne daju bilo kakva ograničenja odlučeno je:

Da se od Predstavničkog doma traži da zaključkom produži rok za ulaganje amandmana na još 10 dana kako bi svi ovlašteni predlagači imali mogućnost da ulažu amandmane kojima bi vršili popravke cijelog izvornog teksta zakona., a nakon tog roka Ustavno-pravna komisija će održati sjednicu i kvalitetnu raspravu i podnijeti izvještaj Domu o uložnim amandmanima.

Pošto je dnevni red bio iscrpljen predsjedavajući je u 13,00 časova zaključio sjednicu.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Mirsad Ćeman